



O Uiga Fa'afeusua'iga ma Amioga tau Pule ile Ola

- ✂ E iai se so'otaga o uiga fa'afeusua'i'ga ma tulaga e lamatia ai le soifua lelei e ala ile pule ile ola?
- ✂ Afai e iai, aisea?
- ✂ E fa'apefea la ona fa'aleleia e le komuniti ana lagolago mo tupulaga talavou o loo fiafia i uiga fa'afeusuaiga ma isi mai le itupa e tasi ma i latou?

Ua iai ni mau ua faamaonia mai ai le so'otaga o uiga fa'afeusuaiga, ma le fa'ateteleina o tulaga e lamatia ai le soifua lelei e ala ile pule ile ola. O nisi o su'esu'ega mai Niusila ma isi atunuu i fafo ua fa'aalia mai ai e fa'apea: o tupulaga talavou ua fiafia i uiga fa'afeusuaiga ma isi mai le itupa e tutusa ma i latou (faapea foi ma itupa uma e lua), ua tusa ma le va o le 2 ile 12 le tele o taimi e ono taumafai ai i latou e pule'esea o latou lava ola - nai lo le aotelega o tagata lautele.

I se su'esu'ega tau le soifua maloloina faapea tulaga tau atia'e sa faia i Karaiesetete (Christchurch Health and Development Study) sa latou molimauina e faapea o tupulaga talavou ua fiafia i uiga fa'afeusua'iga ma isi mai le itupa e tasi ma i latou, (lea sa fa'atalatalanoaina i le 21 o latou tausaga), ua fa'aalia mai ai e tusa e faaono le tele o taimi e ono taumafai ai latou e pule'esea o latou lava ola. I se suesuega lata mai na faia i nisi o aoga i Niusila na fa'aalia mai ai e fa'apea o i latou ua fiafia i feusuaiga ma isi mai le itupa e tasi ma i latou, ua fa'alua le tele o le lamatia e taumafai ai e puleesea o latou lava ola, nai lo i latou e fiafia i feusuaiga ma e mai le itupa agai; o le mea lava lea e tasi e tupu e tusa lava pe tau ai ma isi tulaga aloaia e ono lamatia ai le soifua lelei e ala ile pule ile ola.

I le su'esu'ega o tamaiti aoga mai le aoga maualuga i Minnesota i Amerika, sa ta'ua mai ai e fa'apea o uiga tau feusua'iga lava ia ua le o se tulaga ma'oti lea ua mafua ai le lamatia o le soifua ile pule i le ola ae peita'i, o le tele o tulaga ogaoga ma uiga le manuia ua maua mai ai - e pei o le fa'aogaina fa'aletatau o fuala'au fa'asaina ma le ava malosi, o fa'afitauli fa'aleaiga fa'apea fa'afitauli faalea'oa'oga.

O ia la amioga ma tulaga ogaoga e lamatia ai le soifua lelei ua mafai ona aliali mai taluai le manatu fa'apito ma le papa'u fa'aletagata, fa'apea le mata'u i uiga fa'afeusuaiga ma isi mai le itupa e tasi ma i latou. O le mea lea, e le o le fialia i feusuaiga ma isi mai le itupa e tasi ma i latou e tele ai le lamatia o le soifua lelei.

O le tulaga o le taufa'amata'u mai uiga fa'afeusuaiga ma isi mai le itupa e tasi ma i latou, o se mataupu lea mo le komuniti atoa ma o se ua fa'afafine, ua fa'apena ona fa'aauau le fa'apipiina o tala ma fa'aupuga le manuia ia te ia.' O ia fa'aupuga le manuia ua mafua ai ona fa'aogaina e i latou ia e fialia i uiga fa'afeusuaiga ma isi mai le itupa agai, tulaga o le mata'u i uiga fa'afeusuaiga ma isi mai le itupa e tutusa ma latou, ina ia fa'aititia ai le va'aiga fa'aletagata e faapea e fa'afafine i latou.

O A'AFIAGA o le taufa'amata'u mai uiga fa'afeusuaiga ma isi mai le itupa e tasi e fa'apea, o le a sili atu ni tulaga le manuia o lea o'o i ai tupulaga talavou ia e fialia i uiga fa'afeusuaiga ma isi mai le itupa e tasi ma latou (nai lo tupulaga talavou ia e fialia i uiga fa'afeusuaiga ma isi mai le itupa agai). O nisi o ia tulaga le manuia ua iai le:

- ✧ Ulagia
- ✧ Fasi e tagata
- ✧ Ua le talia e lona aiga
- ✧ Inosia e tagata
- ✧ Fefe ma le matau'ile komuniti fa'apea manatu papa'u o tagata e faifai pea
- ✧ Ua le talia e nisi lotu
- ✧ Ua tu'ulafoaina.



Atonu e maua fo'i i latou i isi o fa'afitauli fa'aletagata e pei o le:

- ✧ Ola toatasi
- ✧ Fa'anoanoa
- ✧ Maasiasi ma le agasala o le loto
- ✧ Nutimomoia o le agaga
- ✧ Fefe ma mata'u aua ua le manaó iai se tasi

O tupulaga talavou ia e fiafia i uiga fa'afeusuaiga ma isi mai le itupa e tasi ma i latou, ua foliga mai ua latou fa'aogaina le ava oona, fa'apea le fa'aogaina fa'aletatau o fuala'au fa'asaina, fa'apea foi le fa'amanu'alia o i latou e latou lava, e avea ma o latou to'omaga mai i tulaga ia e pei ona ta'ua. O ia ituaiga o to'omaga o tulaga maoti lava ia ua lamatia ai le soifua lelei e ala i le pule ile ola.

UA FOLIGA mai o le fa'ateteleina o tulaga e lamatia ai le soifua lelei e ala ile pule ile ola o tupulaga talavou ia e fiafia i uiga fa'afeusua'iga ma isi mai le itupa e tasi ma i latou, ua mafua mai lea i ni talitonuga papa'u mai le aiga, fa'apea foi le aotelega fa'asosaiete. Taluai le matafai oi fa'asosaiete i lea tulaga, atonu e mafia ona faaititia le lamatia o le soifua lelei ma faapea ona fa'amautu le malosiaga e ala i a'oa'oga ma galuega fai faakomuniti. O nisi o fa'ata'ita'iga o galuega fa'akomuniti ua iai nei o le:

- ✧ Feso'ota'iga o tagata fa'afafine ma tagata le fa'afafine i aoga
- ✧ 'Au'aunaga e lagolago ma feso'ota'i ai tagata talavou ua fiafia i uiga fa'afeusua'iga ma isi mai ile itupa e tasi ma i latou
- ✧ Polokalame e a'oa'oina ai le fa'amutaina o le ulagia i aoga
- ✧ A'oa'oga o tulaga tau fa'afeusuaiga ma isi e aofia ai tulaga uma ma uiga faafeusuaiga
- ✧ Le talia lelei e aiga
- ✧ Fa'alapotopotoga lagolago mo aiga (e pei o PFLAG – Parents and Friends of Lesbians and Gays) (Matua ma Uo a tamaita' ua feusua'i ma isi tamaita'i fa'apea ma fa'afafine).
- ✧ Fa'atinoina o tulafono tau feusuaiga fa'aletatau i totonu o galuega ma aoga

✧ Fa'atamo'e se gaoiga i falefaigaluega e faasaga i le mata'u ma le fefe i uiga fa'afeusua'iga ma isi mai le itupa e tasi

✧ Atia'e o polokalame fa'alea'oa'oga

✧ Va'ava'aia lelei o uiga taufa'aese fa'aletagata

✧ Ia iai ni sui o tamaita'i ua fiafia i uiga fa'afeusuaiga ma isi tamaita'i; ni sui o tane ua fiafia i uiga fa'afeusuaiga ma isi tane; ni sui o i latou ua fiafia i uiga fa'afeusuaiga ma tane po'o tamaita'i; faapea i latou ua avefa'ata'ita'iga lelei i amioga ma uiga fa'aalia, i le televise ma leitio fa'asalalau.

✧ Polokalame e a'oa'o ai le aotelega o tagata i uiga ua faia e fa'asaga i uiga fa'afeusuaiga.

E fa'apei o le tele o isi gaoiga fa'apuipuiiga e faasino i le pule ile ola, ua faapena le faigata ona fuaina ise fua le malosiaiga o se polokalame e tasi (taga'i ane ile tusitusiga a SPINZ ile itulau e #3).

Peita'i, atonu o le fa'aititiga o uiga ma amioga papa'u, fa'apea le fa'ateteleina o galuega lelei fa'akomuniti e faia, ole a maua ai se lelei mo lenei fa'alapotopotoga ua "lamatia" lo latou soifua lelei.

O le toe upu

O le fa'aeteteiga, ia 'aua ne'i fa'aigoaina le tupulaga talavou lea ua fiafia i uiga fa'afeusuaiga ma isi mai le itupa e tasi ma i latou, e fa'apea o latou o le autalavou ma fa'afitauli. E to'atele tagata talavou o e ua fiafia i uiga fa'afeusuaiga ma isi mai le itupa e tasi ma latou, ua maua ile agaga to'afilemu ma le fiafia i o latou uiga ia fa'afeusuaiga e pei ona iai, ua latou fa'aogaina auuala lelei ma le saogalemu i taimi e feagai ai ma uiga papa'u o tagata, fa'apea tulaga taufa'amata'u mai i uiga fa'afeusuaiga ma isi mai le itupa e tasi ma latou, ma faapena ona maua lo latou lagolago malosia mai i uo ma aiga.

Ka manako ke he falua talahauaga kumi ke he:

www.spinz.org.nz

Auckland: PO Box 10318, Dominion Road. Phone 09 300 7035

Christchurch: PO Box 13167, Armargh St. Phone 03 366 6910

www.myd.govt.nz **www.nzhis.govt.nz**



www.spinz.org.nz

PALAU